

Biografija ŠAHINOVIĆ NIJAZ

Šahinović Nijaz, rođen 19.9.1951. godine u Visokom. Zanimanje profesor biologije i profesor predmeta osnova informatike u srednjim školama.

Bio je takmičar u streljačkim pištoljskim disciplinama međunarodnog programa (zračni pištolj i MK pištolj slobodnog izbora), od 1980. do 2010. godine. U toku takmičarske karijere bio je višestruki prvak BiH prije rata i učestvovao na pozivnim turnirima za izbor reprezentacije SFRJ, prvenstvima SFRJ i Turnirima republika i pokrajina SFRJ. Na „Turniru Mladosti“ u Zagrebu 1990. godine osvojio dvije bronzane medalje: u disciplini MK pištolj slobodnog izbora sa 551 krugom (što je i sada rekord BiH) i disciplini standard zračni pištolj.

Poslije rata bio je prvak BiH u disciplini zračni pištolj 1997. godine kao i pobjednik više domaćih i međunarodnih turnira u BiH. Reprezentativne nastupe za BiH imao u Minhenu Njemačka.

U streljačkom klubu „Visoko“ obavljao je funkciju predsjednika Upravnog odbora od 1996. do 2021.godine. U tom periodu streljački klub je izrastao u jednog od vodećih streljačkih klubova u BiH, a posebno je zaslužan za rekonstrukciju i dogradnju modernog streljišta za zračno oružje sa 25 streljačkih mjesta i streljišta za vatreno oružje sa 18 streljačkih mjesta. Kao trener postigao sljedeće rezultate: Sa mladim strijelcima u disciplini zračni pištolj osvojio četirje ekipna juniorska prvenstva BiH, pojedinačna seniorska u muškoj i ženskoj konkurenciji, ekipno prvenstvo BiH seniorke. Strijelci koje je trenirao, osvojili su više međunarodnih turnira u disciplini pištolj – Maribor, Beli Manastir. Bio je trener reprezentacije BiH zadisciplinu pištolj na Prvenstvu Evrope u Mariboru 2017. gdje su nastupila i dva pištoljaša iz SK „Visoko“.

Posjeduje Međunarodnu ISSF „B“ sudijsku licencu i ISSF „D“ trenersku licencu. Delegiran je kao sudija na dva Svjetska prvenstva, Svjetskom kupu, a sudio je na više međunarodnih turnira u Sloveniji, Hrvatskoj i BiH. U proteklih desetak godina obavljao je dužnost Predsjednika Stručno takmičarske komisije SSBiH.. Bio je predsjednik Streljačkog saveza Bosne i Hercegovine u mandatu 2013. – 2018.godine.

Trenutno vodi sekretarske poslove kluba, i trener je za discipline pištolj u SK „Visoko“ Visoko.

Visoko, maja 2023.godine